

榆次縣志卷之十六

祥異

周景王十一年春石言於晉魏榆

春秋石言於晉魏榆注家未嘗明指爲在此地考  
晉有雒榆亦曰魏榆杜征南云朝歌東有雒榆城  
石言當在其處若六卿分晉時榆地爲魏有因名  
魏榆則非即春秋所紀之魏榆蓋在今遼州榆社  
縣北齊後周因魏榆之舊立梁榆縣是也然唐人  
送林明府詩引石言事則已目今之榆次爲魏榆  
蓋名實相淆而傳稱甚久縣之掌故遂必歸焉故

榆次縣志

卷十六

祥異

文仍其舊稍爲辨析云

戰國趙惠文王時月生齒嚙畢明年秦伐趙取榆次

晉武帝時鳳凰集於榆次

按晉書武帝紀惟泰始元年二年兩書鳳凰見於  
郡國自後但記青龍白龍白麟等見不復言有鳳  
凰即鳳凰見亦未明紀其集榆次境也府志作咸  
甯二年六月省志又作咸甯六年說並不同晉書  
惟咸甯五年明年改元泰康無咸甯六年也蓋因  
誤相承未嘗加考耳

元康五年九月烈風傷稼

褚志此條下有永康永嘉咸和等三條以統并州而言不專係榆次故錢志不載

唐天寶十四年二月熒惑太白鬪於畢昴間四月乃伏  
按畢昴間正榆次之分故特載之

中和元年五月辛酉大風雨土

宋咸平元年八月榆次民周貴田禾三莖共穗

元至正二年飢大旱自春至秋不雨人有相食者

至正十四年八月冀甯路榆次縣桃李花

明洪武初夜多野火影中若有人物戲弄之狀

景泰二年七月十七日甘露降榆次縣學大成殿前楸

榆次縣志

卷十六

祥異

二

樹上是歲大稔

成化八年七月雨雹傷稼 二十八年八月雨雹如鷲

卯歲大飢民食草木殆盡

宏治六年十月地震有聲居民動搖 十年秋大霖雨

積旬縣北孫家山南移二里許 十五年七月大雨

水害稼敗民舍 十八年五月不雨至於七月苗盡

槁米價騰貴

正德五年四月五日五色雲見是歲庚午秋試榆諸生

舉於鄉者五人 七年六月黑眚見居人怖恐每夕

引刀擊鼓以自防旬餘始止 八年六月旱已而風

雷大作拔樹百餘株 十一年六月淫雨水出縣西南等村屋多淪圯 十三年五月雹害稼

嘉靖元年八月地震者八 十月復震者十三俱有聲

七年夏旱升米百餘錢餓者相枕 十一月有白

氣五天逾月始散縣東曹火 八年六月蝗食稼

十五年大稔斗米二十錢 十七年桃李冬華 十

九年六月大水 二十年六月淫雨涂水溢流四十

餘里敗田廬 八月民家生犬耳目各四足有八未

幾邊寇入犯 二十一年龍起於東城雉堞有煙瓜

二十二年夏大疫死者數百人 二十三年夏六

榆次縣志

卷十六

祥異

三

月淫雨壞官舍民廬 二十四年榆城里民劉廣厚

妻一產三男 夏好蚘生 八月隕霜殺稼冬無雪

二十五年正月城南門災經夕不熄樓櫓皆空

五月雹如拳殺人畜 六月有狼羣集於野食小兒

至數十人 九月南關里民趙懷龍妻一產三男

十一月至十二月木再冰 三十四年十二月地震

聲如雷 三十九年大旱無秋人相食 四十年旱

甚粟翔貴民飢死者過半 四十三年大稔銀一錢

易米三斗

隆慶元年縣人疫相染死十二三 二年秋七月霧傷

稼復雹 五年大稔

萬曆六年小峪口山上有聲如雷水驟發漂民舍溺者四十餘人 八年七月涂水漲毀民田舍 九年正月東三曹火歲大旱疫大行 五月榆城里迅雷拔木 十年秋七月始雨 十月無霜晚禾熟 十一年四月丙白村朱宦妻一產三男 十二年五月大雨雹無麥 十三年多蝗 十四年大旱赤地人餓死 十六年大稔斗米二十錢 十七年正月雷雨是歲大稔 二十六年夏野蚘食禾幾盡 二十七年閏四月三日牛村大雷雨發民鄭廷豸等男女二十餘人皆沒畜產溺者百餘是秋八月郝村產芝二十九年春夏大旱無麥秋禾不藝是歲民大飢 三十五年大有 三十七年四月至秋不雨民飢 天啓三年正月甲寅 中晝晦 五年夏不雨禾有收 六年秋隕霜殺草木禾稼

榆次縣志

卷十六

祥異

四

崇禎十三年旱 十四年六月飛蝗蔽日食禾至盡民大飢相食 十六年三月日午時晝晦 國朝順治元年大稔 二年春二月靈芝生縣中 六年十月七日東門城樓火 十一年大疫有一家盡死者始正月至十一月止 十二年四月邑中地震

康熙五年四月邑中地震 七年夏小兒多疹死 八年三月邑中地震 四月十八日雨雪深五寸禾皆死 九月源渦村民段益俊妻一產三男 十年邑中地屢震 十二年縣中麥秀兩歧 十四年八月霖雨二十日 十五年稔 十八年邑中地屢震 十九年冬桃杏華 二十一年疫 二十二年十月地震邑中有聲 二十三年五月雨雹如拳損麥 二十六年大有年 二十七年大有年 二十九年春旱至六月乃雨秋淫雨晚禾不熟多荼民采食之 三十三年麥秀兩歧 三十四年四月六日地震

榆次縣志

卷十六

祥異

五

邑中井溢 三十六年六月淫雨 八月望雨霜殺草斗米值錢五百六十 四十三年春淫雨平地出水免租賦 五十一年有年 五十五年有年 五十九年六月八日邑中地震歲旱飢 六十年歲旱飢 六十一年歲旱飢

雍正元年夏六月始雨晚禾大熟八月桃杏華 五年四月疫大行 六年鳴李村民劉志隆妻一產三男 春夏旱秋淫雨 十年有年 十一年有年 十三年有年

乾隆元年有年 四年旱 五年有年 十年秋旱

十一年縣人大疫 十二年旱 十三年有年 十四年有年 十五年大有年 十五年以後祥異多不可考故未及詳載 三十年秋縣東南等村有蝗 四十九年旱 五十二年五月初四日中郝村井中水溢天大雨雷電屋宇多圯秋大有

嘉慶元年十月上營村王鶴之妻任氏一產三男知縣賜名賀元嘉元慶元後俱得壽 二年十月初九日天鼓鳴 六年大稔 九年旱 十年旱 十一年斗米一千二百 十二年三月二十八日雨雪是年大旱斗米千錢 二十二年自六月至秋不雨 二

榆次縣志

卷十六

祥異

六

十三年大稔

道光元年五月二十八日洞渦漲發麥皆沒 九年四月地震 十一年四月初三日黎明王都會寺中火

殿宇梁柱悉燬商賈被災者數十人是日有微雨

十一月初十日大雪深數尺道路壅塞棗樹多枯

十二年大旱斗米錢一千五百 十三年旱 十四

年旱斗米一千二三百 二十三四年婦孺多失髮

一縷恍若有鬼物翦之者其人忽昏迷灌以薑汁始

甦問有捕得者乃數寸黃紙人也羣以爲妖術所致

多繫紅絲辟之 二十六年四月二十六日隕霜殺

蔬菜花卉禾稼不害 二十九年六月洞渦水溢西  
南鄉諸村屋宇多圯 三十年二月大雨雪雷電

咸豐元年有年 二年有年 三年三月十七日霾有  
年 四年二月二十五日大雨雪 五年五月十五  
日大雷雨東南鄉等村平地水數尺屋宇多圯 六  
月初四日蜻蜓結伴以數千計初六日大雨雹殺稼  
大水損民屋 六年三月初三日大雨雹 七年七  
月有蝗不爲災 八年旱 九年上巳日縣北忽有  
異獸從西來形似豹嚙人後被使趙村數人持農器  
擊斃之是年旱 十年四月十九日大風拔木屋脊

榆次縣志

卷十六

祥異

七

多壞是年大旱人畜餓死甚眾 冬李方村民人李  
九枚之妻一產三男 十一年正月初三日天雨土  
其味鹹或曰海燒 四月生茵陳黃花遍地是歲大  
有年

同治元年五月初九日雨雹傷人二 八月霜 閏八  
月多霖雨 二年六月初九日洞渦漲發西南鄉沿  
河等村衝塌民屋數百間淹沒田禾數百頃

春秋二百四十餘年罕紀祥瑞而災異必書蓋以  
示警亦以恤民也國以民爲本民以食爲天水旱  
頻仍霜雪不時斯民之疾苦爲何如也因念時和

歲稔物阜民殷其景象可媿唐虞而能勿深望哉

榆次縣志

卷十六

祥異

八



榆次縣志卷之十六

雜志

史記黃歇說秦昭王書有曰智氏知有伐趙之利而不  
知有榆次之禍

竹書紀年云周顯王七年我與邯鄲趙榆次陽邑水經  
注引此有梁惠成王九年六字無我字

按榆次之名當智伯時已有之三晉滅智伯在周  
定王十六年定王後四世爲威烈王七世始爲顯  
王則榆次之名亦非始於顯王時也

九州地理釋云太原上黨間其地上值天榆之次故有  
榆次縣志

卷十六 雜志

一

榆社榆次之名

李翥筆記云左傳魏獻子爲政分祁氏之田爲七邑以  
知徐吾爲涂水大夫二語自爲紀事本不相屬傳蓋  
言獻子分祁氏之田又別用知徐吾爲邑涂水本非  
祁氏田也後之解者連讀之遂若以涂水亦祁氏地  
爲獻子所分矣

神頭村考俗傳智伯爲趙襄子所殺取頭爲溺器國人  
哀之刻木爲首以葬故名其地爲神頭

梗陽鄉在漢時亦屬榆次本中行氏地故左傳言中行  
大夫見梗陽之巫後地爲魏有故獻子聽梗陽人之

訟而辭其賂而魏戍復爲邑大夫後世乃以梗陽爲  
今清源地不知清源固榆次所分也

戰國時周倭以西周善於秦封之梗陽漢書地理志榆  
次梗陽鄉王莽改曰太原亭

唐王鏐爲河東節度使承鮑防敗後府庫虛匱鏐經營  
數年資用充積然不免聚斂一日或患疽於股醫者  
皆不效有野叟造門下求通自云能治之鏐方急即  
呼使入問之曰家南趙山中世守田業傳得祕方亦  
常療人疾瘍遂探囊中出藥一餅置疽上用艾炙之  
使飲酒臥明日疽大減至三朝則全復矣鏐大喜爲

榆次縣志

卷十六 雜志

二

具飲食親臨之因問所以致疽狀野叟曰人生血氣  
平則流通乖則偏積積聚之久自然爲疽蓋膏腴之  
氣不能布潤澤於四支亦必轉而釀穢毒毒無不潰  
危亦隨之矣鏐知其諷已以千金酬叟遺之叟不受  
而去鏐爲之少改焉

王善人邑南關人唐貞觀時修性於介休之綿山敬事  
李姑姑居樓上善人居樓下凡飲食器用縋之而上  
與李姑不相見也旣而俱化塑像一如生時有古碑  
存焉

宋太平興國四年五月戊子以榆次爲新并州乙未築

新城丙申徙晉陽餘民於新城

荀浪爲榆次令致鳳凰之瑞事不見於晉書考之武帝紀惟咸寧元年以故鄴令夏謨有清操賜穀百斛他無所及也循吏傳亦無浪名是蓋史失載而荀氏家狀則書之遂傳於世耳

榆人俗傳有鄭恩者字子明見子坪人嘗從宋太祖戰伐有功人以其勇而驚也皆以魯呼之並傳有董達橋在長宵涂水之間謂是鄭恩行兵處然不見史傳姑附記於此以俟博考焉

縣西南張慶村有觀音寺殿柱有石高尺五許將陰雨

榆次縣志

卷十六

雜志

三

自上溼下一尺則雨尺溼寸則雨寸未嘗或爽村人試以爲驗

甄井村有古井二明萬厯時里人楚雄知府張澤命工鑿井鑿數仞終未及泉方以爲棄井也澤拜之忽源泉湧出不窮人比之漢將耿恭云井至今存

上營村靈真觀有大鐘鑄自明嘉靖二十二年重至七千餘斤道士與里人因鉅甚不能覆以屋但架木露懸之鐘音響宏越地去陽曲八十里擊之猶聞焉後架將仆鐘先期中夜自鳴父老異之察知其故更易堅木鳴遂止

懸窰在王胡東八里許明嘉靖十八年居民鑿土窰數孔內塑玉皇諸神并磨俱全至萬曆十四年河東王府夫人王氏與男輔國將軍重修洞屋並增塑菩薩羅漢至今有碑存其間

明萬曆中趙昌運爲令忽夜夢入城隍廟見婦人金冠翟衣自廟出旣覺甚訝之心知其爲主嗣育之神俗所稱聖母者比旦昌運因謁廟見塑像不與夢者相肖將出矣道士曰廟尚有後殿乃復入見像坐於東廡者驚曰此真與夢觀者符於是昌運爲別立廟而遷其像復自爲之記以述其異

榆次縣志

卷十六 雜志

四

峪頭別業明山東按察司僉事邑人李彥士所築也爲堤蓄水布蓮稻其中蓄鯉數百頭具野航載酒把釣嵐光波色映帶几席間李致政歸日居之自謂不減剡溪

縣衙東與常平倉並接地當城中而勢頗庳湫夏秋大雨時行霖潦易積街南有窪地一灣長二十丈有奇廣五六丈前人開之以洩潢污蓄瀦水者意取護倉名曰倉濠

明正德六年流賊掩至本縣南三十里將由榆次犯井陘見赤衣神人揮之去賊乃趨遼州蓋城隍爲邑保

障云

明萬曆中有鶴巢於源渦永壽寺村民因旱詣介休綿山空王寺禱雨鶴隨飛至寺長鳴先還人知爲雨徵也如是者數鶴有二卵僧徒竊煮將食之爲主僧所覺使送還巢中熟卵忽出二鶴飛去

石阬在宋時爲平定驛路其遺戍贖堠猶有存者神師中爲金人所襲五戰三勝卽是其處今爲霈霖村因乾隆二年邑令王有德禱雨而得乃易此名或云晉時代公猗盧大獵壽陽山陳閱皮肉山爲之赤亦卽此地也

榆次縣志

卷十六

雜志

五

王胡東四里許有土壘如牆周圍數十堵南北俱隣溝昔時太原人於此避兵名之曰窩窩寨

源渦村慈雲菴有木碑高丈餘闊四尺字如銀泥漆其面如新數百年古物也僧海金撰文文不甚佳而其  
中有一偈可玩

東長壽村東南數百步外曰榆林時現古城農人早出輒見綿互數里敵樓雉堞宛然在目相傳爲榆林城或疑爲古武觀城地恐未必然

西付村悟空寺正殿舊居高阜東向道光八年里人欲移南向忽來一叟談及寺工具言南向不若北向吉

所論似通青鳥術者因改前議及興工於高阜下得一古墓棺木堅好旁有小石上鐫明僧某之墓遂復瘞之人或疑叟爲此僧所化蓋南向則阜去而墓當毀今西殿後阜猶如故

明時邑中寇氏簪纓稱盛獨知府天與子名鄰者早爲諸生鈍於場屋因發憤去謁王文成公請學門下時文成方開軍府討甯王鄰遂効力行間後論軍功劄授指揮使竟以武仕

邑中八景詩諸公多有賦者如桑日襄罕山時雨句云誰向洞中噓積澗忽來天上作濃陰王取善龍門夕

榆次縣志

卷十六

雜志

六

照云景物幽清應獨往漁樵歸興莫相違吳闡思神林積雪云卻看茆屋生虛白遙望楓林映淺紅亦俱有佳致

李自成自京師敗歸時至太原榆次賊兵四出劫掠常攻一堡堡中閉門拒守已將破賊或望見堡堞上漢前將軍在焉以手揮賊因大驚解去

明末邑霍司馬子諸生有天變錄記闖賊破晉屠毒縉紳事頗詳賊旣攻陷太原即遣蕭恆爲僞令知榆次縣事改鑄印文曰榆次縣契下令鄉紳及故紳公子監生等出銀助餉定數尚書十萬兩御史五萬兩道

府三萬府佐一萬知州七千知縣五千監生一千不  
及數者以重法拷之蕭恆者陝三原縣諸生也賊又  
有掌旅官凡被擄驅以行者皆掌旅司之

鳴謙驛聖壽寺東大正殿前有井康熙中

乘輿幸晉供奉官取此井水以充用覆以黃龍之祿鄉人遂  
指爲御井加貴異焉

榆次縣令大堂中懸一聯云劇暑悲難度清秋喜卻迴  
此康熙四十二年

六飛巡晉時書賜知縣臣祖良材者時州郡諸臣多得仰邀  
宸翰良材既霑賜即雙鉤恭刻敬懸廳事邑中千萬載共瞻

榆次縣志

卷十六

雜志

七

奎文之麗云

榆邑自明迄今領解者七人榜前皆有徵異范君斌肄  
業書齋時值亢旱鄉人請龍神禱雨有黃衣生午後  
輒至論文甚愜一日斌已成文黃衣忽引筆爲增數  
行斌於闈中錄之主司批曰疑有神助時人以黃衣  
爲龍神也羅君元吉質樸少風采賓興之前夕邑令  
劉公震夢與解元相酬酢及登席酌曰此元杯誰爲  
領此者衆愕然退羅獨進曰雅意不可負受而飲之  
令頗疑其貌榜出果第一人寇君天與弱冠不羈時  
齋中以鬼相驚一夕如廁有怪物頭出牆中徐以手

摩之曰鬼頭大怪曰解元膽大也遂自負臨場沉醉  
頰面不可醒及鎖院大呼於門監臨啓而收之果如  
其言李君芸以事不赴選夜寢田中有促之應試者  
三試文奇橫閱者未之賞也已而朱衣書見於房時  
學士孫公致彌爲主司搜得之亟加賞異貢院有文  
紀其事李君鄴出邑令劉公濤之房初公夢鄉人至  
情甚歡有圍人忤意持劍斷其頭本日得元卷又壺  
關某生夢捷至閱之乃李業也叱而去之無何譁然  
復至則以大盤捧一耳後趙君謙尊其父夢人贈以  
木團張君鵬展則主司夢榆錢落其卷云

榆次縣志

卷十六

雜志

八

榆東南城上有樓高起像魁星其中雍正中邑令石侯  
之所建也先是自順治辛卯至康熙辛酉三十年無  
鄉舉自邑令劉公星置榆石於西門起雙祠於南關  
以修風水而甲子科果售一人後尚未盛邑士以爲  
歉因請於石公而建焉至乙卯登賢書者二人副車  
一人丙辰薦者四人副薦一人至乾隆戊午而文武  
解首皆出邑中己未聯捷者二乙丑會試登第者三  
他邑所未有也初匠者塑魁星像邑士有以會元沈  
昌宇之文置神腹者比戊午歲沈來爲正考官而邑  
士掄元眾爭以爲異



榆次有藏山廟其所祀之神俗傳爲代趙武死者廟在什貼土人呼爲大王且云前朝常加敕封鄉民禱祈亦有應

張慶村有郭姓者素不孝母死葬之糞坑中身赴武安縣爲傭聞雷心悸遽歸雷震其屋攝郭至半空而擲下其屍正當母葬處此康熙年事

李方韓生精占筮晨興戒其妻防躓足妻兀坐竟日及夕自謂無患向厨取火陷窖中又昏暮叩門者聲甚急筮之得木長金短之繇其子曰是爲取鋤生日非中夜事也當取斧耳已而果然

榆次縣志

卷十六 雜志

九

張道士見子里人少時嘗爲馬夫因事受笞遂爲道士於鳴謙碧霞宮每以天棘藉臥具人莫測其故明天啓末募眾欲建玉皇閣眾頗難之擇日興作里中牛畜有募而不往者輒不食以是遠近助役越歲閣成及卒轉生秦府甫產即言隔世事王使人至碧霞宮驗之已蓋棺數日矣今閣右抔土其藏骨處也

罕峯之陽有異徵焉每當夜靜有光煌煌若燃燭狀經秋益明即之不知其處傳言是處有千年甘草根二時放光明爲邑文明兆今止留其一焉

道光癸未春有鶴集於城隍廟脊是歲入詞林者一人

丙午夏復集於廟中古槐是歲登賢書者四人次年成進士者二人

甯九思源渦人神明鍼法嘗在街前與人談棋忽聞對門有哭聲譁言某暴疾死眾邀九思往視之一鍼而甦其用鍼捷效類如斯共呼爲神仙

同治元年十月西長甯鎮涂水南山週圍二百餘步移前數丈與泉樹俱時夜五更人聞之若雷其聲轟轟然如此者數次

縣志後序

志之作其昉於周官小史外史乎  
小史掌邦國之志外史掌四方  
之志蓋其由來已遠矣漢班固  
撰漢書變史記八書而為志歷  
代因之至前明天順八年詔省  
府州縣並輯志乘而縣志纂詳

榆次縣志

後序

一

斯燦乎備已核志自簡緒二公及  
劉侯錢侯相繼纂修大抵皆相  
去數十年而錢侯迄今百有餘  
歲歷久未續恐事蹟就湮後之人  
或難為繼幸逢 邑尊信鄉翁  
公留心文教與諸紳士高推乃興  
修於壬戌正月壬癸亥九月工竣

思百年以來其間詎無鴻才碩學  
是以繼承前美乃或以他務經營  
未遑及此遂致稽延不無遺佚茲  
者 命侯鄭重斯舉諸君子亦  
踴躍從事此則人心之同然又若曾  
不得不然者殆亦有數存其間乎  
余才識謫陋自愧濫等非敢云有

裨邑乘也特與同年相圍摺據前  
聞詳加採擇於舊志之可仍者因  
之可變者易之已載者存之未入  
者補之所去者十之一二所增者十  
之三或就正 邑尊於表裁  
定庶幾執犁然有書可為考證  
之先資也至若歷世相沿實人相

繼母待遲久而早為續輯則深望於後之君子矣同治二年九月  
邑人王平核謹序



111